

U figliolu

Mi ricordu
Era un zitellu
Quandu veniva l'estate
Stava à sente à lu purtellu
Tanti belli serinati
Sinament'à l'alba chjara
À l'intornu nun si durmiva
Si campava in allegria
À u suspiru di una ghitarra
Era u bon tempu o mamma
Di una vita serena
Era u bon tempu o mamma
U tempu passa è sò le pene
Quantu veghje ai passatu
Sola è triste à lu fucone
Aspettendu a mio scherpata
Nant'à u scogliu à lu scurtone
Sinament'à l'alba chjara
U quinqué in casa lucia
Dicia a so nostalgia
Trimulava la so fiara
Era u bon tempu o mamma
Di una vita serena
È sò partutu o mamma
À lu mumentu di la cena
Giuvanottu
Spenseratu
Ma quantunque bon figliolu
Innu lu mio locu
Sò vultatu
Perché mi truvava solu
Invechjatu à lu mio tornu
O mamma oghje vuleria
Sempre la to cumpagnia

Per vighjà fin'à lu ghjornu
Un sò più à tempu o mamma
Di stà cun te perpena
È u to amore o mamma
Eo mi ne invengu ancu perpena
Mi ricordu
Era un zitellu..